



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

LVI. An Votvm sit cultus Dei?

urn:nbn:de:hbz:466:1-11726

QVÆSTIO LVI.

An VOTVM sit Cultus Dei?

LVTHERI, CALVINI QVE sententia eadem est: Vota ad Deum colendum fieri non possunt, nisi de rebus præceptis.

SVADENT. Quia omnis cultus voluntarius, id est, non præceptus, Deo placere nequit: Rom. 14. *Quod enim non est ex fide sc. verbi Dei præcipientis, peccatum est.* Et col. 2 reprehenditur ἐθειλογησεία, seu superstitio.

AUTOR. Vouere est actus Religionis; ergo & Reddere: iuxta Isa. 19. *Colent Deum in hostiis, & vota vouebunt, & soluent.* 2. Calvinus *Inst. l. 4. c. 13. §. 2.* fatetur, Vouere esse officium religionis, & promittere Deo: ergo Reddere votum est fidem seruare Deo: at hoc est immediatè colere Deum. 3. Iuramentum est cultus Dei etiam de re non præcepta; fateatur Calvinus *Inst. l. 2. c. 8. §. 23.* Ergo & votum. Num. 30. *Si mulier vouerit aliquid, & verbum de ore egrediens animam eius obligauerit iuramento, voti rea erit: reddet, quod promisit.* 4. Ex voto soluere rem non præceptam falsis Diis, idololatria est: ergo eandem ex voto soluere Deo, latría est.

5. Omni actu virtutis non præcepto, facto tamen in honorè Dei, colitur Deus: Vt, *Luc. 2.* Anna seruit Deo ieiuniis. &c. Ergo magis colitur actibus votiuis. 6. *Genes. 28* *Votum vouit Iacob &c. Decimas offeram tibi. &c.* hoc de re non præcepta vouit. David item vouit se templum extructurum Deo, 2. *Reg. 7.* neque præceperat dei Deus: Sic vota *Leu. 27. Num. 6. 30. Deut. 12. & 23.* non præceperat Deus; & facta tamen sunt ad cultum Dei.

DICO. Apostolus vocat ἐθειλογησεία, actus Deo non probatos, rerum inanum, quæ non sunt materia cultus diuini; vt est numerus lotionum, abstinentia à cibis, vt natura immundis. Et, *fides* tam est de Consiliis, quàm præceptis Scripturæ.

QVÆSTIO LVII.

An Vota in Nouo Testamento cessarint sublata, sublato antiquo Testamento?

LVTHERO-CALVINISTA Petrus Martyr contra etiam Lutherum & Caluini id præfatiõis affirmat.

SVADET. 1. Quia Votum in Nouo Testamento non nominatur, nisi cum de votis Legis fit mentio; ergo est Legale tantum. 2. Quia Professio fidei totos nos obligat Deo: ergo si vouetur: vt si ob signatis tabulis ac testibus patris potestati se filius obligaret, ante obligatus Decalogo. 3. Quia libertas Evangelii infringitur votis; vitæ enim genera esse libera voluit Christus, vt quæ nec omnibus, nec omni tempore conueniant. 4. Qui vouet, iniuriam Deo facit, faciens necessaria, quæ is libera esse voluit.

AUTOR. I. Negat Scriptura cessare vota in Nouo Testamento. Isa. 19. *Colent eum in hostiis; Vota vouebunt Domino, & soluent.* Psal. 75. *Vouete, & reddite Domino:* At hæc Patres intelligunt de votis religiosi Noui Testamenti. 1. *Timoth. 5.* *Cum luxuriata fuerint, &c. habentes damnationem, quia primam Fidem irritam fecerunt:* August. in Psal. 75. id est, *Vouerunt, & non reddiderunt.*

II. Neque vota sunt ceremonia Legis; Quia ante legem vouit Iacob. Dein; illa solum cessarunt, quæ in Veteri Testamento Christum venturum præfigurabant. Vide *Bell. c. 17.*

DICO AD I. Res voti extat in Nouo, etsi non nomen. Et præceptum voti